

# Co vai vinavant cun la Chasa editura rumantscha?

■ **(anr) 2009 è la Chasa editura rumantscha (CER) vegnida fundada tras la Pro Helvetia, il chantun Grischun e la Lia Rumantscha (LR).** Tuttas trais instituziuns han contribuì mintgina 60 000 francs ad onn per 2010, 2011 e 2012. Cun la fin da quest onn scadan ils 60 000 da la Pro Helvetia. Dapreschent contrahechan il chantun e la LR co finanziar davent da 2013 la CER. Bler è anc avert. La CER stat sut l'egida da la LR (sco Gesellschafterin).

## Realisà in grond program

Ina chasa editura rumantscha è in vegl postulat. Cun la CER è quel vegnì realisà avant trais onns. Ella è responsabla per il program d'ediziun, accumpogna auturs ed auturas, metta a disposiziun lectorats e correctorats, la finanziaziun, planisescha la produziun, fa il marketing e procura la vendita da las publicaziuns.

La CER è s'establida fitg bain en ils dus onns e mez ch'ella exista. Sia bilantscha astga sa laschar vesair. Fin ussa ha ella edì diesch publicaziuns (dumandada era la CER vegnida da far 60 talas). Duas suondan anc. A la fin da sia fasa d'entschatta po ella pia preschentar dudesch publicaziuns. Vitiers vegn ch'ella ha anc organisà diesch vernissaschas da cudeschs, 29 prelecziuns e collavrà tar 16 ulteriuras. Fin la fin da quest onn en pli che 5000 exemplars vegnids vendids. Quai è in grond success.

La manadra, *Anita Capaul*, engaschada per 60 pertschient, vegn accumpagnada dad ina cumissiun da tschun dels. Il biro da la CER è a Cuira. Da grond avantatg è dentant era che quel sa chatta fitg datiers da l'Institut per la perscrutaziun culturala dal Grischun

(IKG) – quai pussibilitescha sinergias – e da la libreria Il Palantin cun ses grond sortiment era da literatura rumantscha.

## I dovera sustegn finanziar per cuntinuar

Pervi da la pitschna ediziun na vai betg senza subvenziuns. Ins quinta numnadamain cun 300–1600 exemplars vendids per publicaziun. Il sustegn finanziar da la LR, dal chantun e da la Pro Helvetia ha pussibilità d'edir quellas ovras. Las contribuziuns annualas da 180 000 francs han tanschì per 5–6 publicaziuns ad onn. Davent da 2013 – suenter ils trais onns da la fasa d'entschatta – sto la CER


vegnir finanziada tras auters meds, siond che quels da la Pro Helvetia crodan davent sco stà communitgà già a l'entschatta.

Tenor il nov regulativ davart ils linguatgs po la confederaziun dar al chantun Grischun daners era per promover las chasas edituras rumantschas. Puncto finanziaziun da la CER en l'avegnir en ussa pia tant chantun sco la LR dumandads. En lur mauns stat l'avegnir da la CER. Dal chantun astgan ins bain spitgar in sustegn finanziar per la CER, ch'è sa consolidada cun success ed ha prestà professiunalmain buna ed effizienta lavur en favur da linguatg e cultura rumantscha.

## CER – enorm impurtanta

La Chasa editura rumantscha (CER) ha già dà in start na ortodox cun publicitar «Sez ner» sco cudesch auditiv. L'autur *Arno Camenisch* ha sez legì e *Corin Curschellas* ha enramà musicalmain. Tge manegia Arno Camenisch da la CER? «La Chasa editura rumantscha è enorm

impurtanta ed indispensabla per la litteratura rumantscha. Senza ella pudain nus gist pachetar ensemen. Ella è il motor principal per las publicaziuns da la litteratura rumantscha. E cun mintg'onn survegn ella dapli 'punch'. Mo quai è in process che dovera ses temp.»



Arno Camenisch tar ina da sias numerusas prelecziuns.

MAD



La menadra da la Chasa editura rumantscha: Anita Capaul.

FOTO O. ITEM